

BOSNA I HERCEGOVINA
PARLAMENTARNA SKUPŠTINA
Komisija za ljudska prava, imigraciju, izbjeglice i azil
Broj: 01/5-011-24400.
Sarajevo, 13.10.2000.

Z A P I S N I K

sa 7. sjednice Komisije za ljudska prava, imigraciju, izbjeglice i azil

Sedma sjednica Komisije prvo je bila sazvana za 08. maj 2000. godine u 10,00 sati, sa sljedećim prijedlogom dnevnog reda:

1. Usvajanje zapisnika sa 6. sjednice Komisije,
2. Razmatranje Prijedloga poslovnika Zastupničkog doma,
3. Razmatranje Nacrta zakona o zaštiti ljudskih prava utvrđenih međunarodnim konvencijama koje su sastavni dio Ustava BiH (predlagač: poslanik Haris Silajdžić),
4. R a z n o.

Navedenog dana sjednici su prisustvovali: Abdurahman Malkić, Ana Havel, Mediha Filipović i Sejfudin Tokić.

Odsustvovali su: Branislava Jovanović, Miodrag Deretić, Mara Perkanović, Smail Bećirbašić i Ivo Mijačević.

Zbog nedostatka koveruma sjednica nije održana.

Ponovno je 7. sjednica Komisije sazvana za 18. oktobar 2000.godine za 10,00 sati. Međutim, ni u to vrijeme nije bilo kvoruma (odsustvovali su Ana Havel - zbog službenog puta, Branislava Jovanović, Mara Perkanović, Miodrag Deretić i Smail Bećirbašić. Sjednici su prisustvovali, u ime predlagača Nacrta osnovnog zakona o ombudsmenu, gospođa Seada Paravlić, te gospodin Frank Orton, ombudsmen za ljudska prava u Bosni i Hercegovini.

Sjednica Komisije održana je u pauzi skupštinskog zasjedanja. Prisustvovali su: predsjedavajući Komisije Abdurahman Malkić, članovi Komisije Branislava Jovanović, Mediha Filipović, Mara Perkanović, Smail Bećirbašić i Miodrag Deretić, a odsustvovali: Sejfudin Tokić, Ana Havel i Ivo Mijačević.

Sjednici su takođe prisustvovali g-đa Seada Paravlić, u ime predlagača, i g-din Frank Orton, ombudsman za ljudska prava u BiH.

Za 7. sjednicu Komisije usvojen je sljedeći

DNEVNI RED:

1. Usvajanje zapisnika sa 6. sjednice Komisije,
2. Razmatranje Nacrta osnovnog zakona o ombudsmenu BiH (predlagač poslanik E. Bičakčić),
3. Razmatranje Prijedloga zakona o slobodi pristupa informacijama u BiH (predlagači poslanici S. Tokić i I. Lozančić),
4. Razmatranje prispjelih pritužbi, predstavki, molbi i zahtjeva građana.

Ad- 1: Usvajanje zapisnika sa 6. sjednice Komisije

Zapisnik sa 6. sjednice Komisije usvojen je bez primjedi.

Ad – 2: Razmatranje Nacrta osnovnog zakona o ombudsmenu BiH

Objasnila je Nacrt zakona podnijela je g-đa Seada Paravlić u ime predlagača Nacrta.

U dužoj diskusiji su učestvovali: Branislava Jovanović, Mara Perkanović, predstavnik predlagača g-đa Seada Paravlić, Mediha Filipović, ombudsmen za ljudska prava g. Frank Orton, Abdurahman Malkić i Miodrag Deretić.

Članovi Komisije iz Republike Srpske iznijeli su više primjedbi i prijedloga za izmjenu pojedinih odredaba Nacrt zakona, a posebno u dijelu koji reguliše način imenovanja ombudsmana.

Poslije diskusije Komisija nije usaglasila jedinstven stav o Nacrtu zakona. Iako je bila ocjena svih diskutiranih da nije sporno da zakon treba donijeti, ipak nije stavljeno na glasanje usvajanje jedinstvenog stava.

Ad – 3: Razmatranje Prijedloga zakona o slobodi pristupa informacijama u BiH (predlagači poslanici S. Tokić i I. Lozančić)

Zbog dužine trajanja diskusije o prethodnoj tački dnevnog reda i potrebe da se nastaviti rad Predstavničkog doma, Komisija nije ni raspravljala o ovom Prijedlogu zakona.

Ad – 4: Razmatranje prispjelih pritužbi, predstavki, molbi i zahtjeva građana

Ni o ovoj tački nije bilo vremena za temeljniju raspravu. Komisija se saglasila da na predstavke i molbe odgovori predsjedavajući Komisije.

SEKRETAR KOMISIJE

Rajka Stanišić

PREDSJEDAVAJUĆI KOMISIJE

Abdurahman Malkić